

青浦縣續志卷十五

人物一

列傳

熊其英

熊其英字純叔歲貢生戶部主事其光

前志有傳

弟少孤事母章

至孝母嘗以三不字勗之謂不妄語不貳色不要錢也其英謹守弗敢忘性剛直豪俠而貌温温人未易窺其涯涘其爲學以切世用爲宗凡天文輿圖兵農水利諸書靡不研覈尤嗜宋五子書師事興化劉熙載及同邑許錫祺主躬行實踐不事標榜洪楊之亂簞山把總祝應奎議結民團擊賊其英與焉同治壬戌賊踞石神廟港築壘固守以扼澱口其英上方略於統兵者乘夜夾擊聚而殲旃嘗避兵吳江西浦塘地

青浦縣續志

卷十五

人物一

列傳

一

與我接壤窪田如釜遇水卽潦其英仿明陳瑚遺法與吳江陳麟浚河築隄兩邑利賴青浦困墊最病民粵難後事復起爲陳於大吏乃罷其英以一諸生心憂天下居恆發憤思得利濟以償其志光緒初燕齊豫晉大饑豫居天下中災重且廣其英聞而憫之會江浙好義者議哀金助振乃與吳江凌淦慨任其役馳至豫自濟源以上歷原武滎澤獲嘉新鄭林湯陰武陟修武汲諸州縣親履窮山僻壤稽戶口施錢粟活入無算未幾沁河決復振水災墮水幾滅頂者再或衣食不繼蟣蝨滿體髮至不可梳爬竟以是嬰疾卒年四十有三豫民聞凶問咸動色咨嗟至有巷哭者豫撫列狀上聞優旨賜卹並准遺櫬入城治喪懷慶河南兩府均立祠祀之私謚曰惠愍其忠勤死事感動朝野如此其英古文辭瑰偉傑出嘗

自言創意造言以習之持正可之三家爲師詩宗韓白義法
精粹紀忠孝節義事皆令人感奮著述甚富見藝文

仕績傳

葉百川

蔡增光

陸宗鄭

胡承頤

金耀奎

李兆桂

徐蔭溥

吳興士

葉百川字岱雲道光己酉拔貢同治壬戌順天亞魁初咸豐
十年英法軍犯闕京僚供職者多出走時百川官內閣中書
舍人獨留不去以是受知恭邸派在總理各國事務衙門行
走洊陞侍讀旋授浙江處州同知署紹興嚴州府事歷任浙
江軍需局嘉興湖州等處釐捐局總辦宦浙三十餘年廉明
不擾解組歸以耆艾負碩望五世同堂鄉里尊敬卒年九十
有二蔡增光字容如廩貢生雄軀碩腹豁達有幹才粵難後

青浦縣續志

卷十五

人物一

仕績傳

二

經辦善後當局倚以爲重光緒初以同知需次浙江歷辦海
運十有七屆勞績卓著累保至府道卒於家

陸宗鄭字莆生父我嵩

前志
有傳

歷官福建宗鄭生於莆田性端

敏幼嫻庭訓少長習聞父執侯官林文忠則徐陽湖李太史
兆洛諸賢緒論益務徵實之學章句屑屑非其好也弱冠補
諸生慨然有用世之志從其婦翁黃秉鐸觀察湖南任所又
從之黔嘗兩游河曲以謁選居京師數年同治庚午舉於鄉
甲戌成進士用知縣籤分雲南兩充同考官攝姚州補定遠
調昆明擢安平同知署開化知府宗鄭勤於吏事所至躬治
案牘未嘗延幕僚定遠值回亂後銅鑛鹽井之利俱廢宗鄭
急復之民困以蘇安平與越南錯壤盜恃爲逋藪出没無忌
鄉民馮姓闔家爲盜殺宗鄭嚴鈎距七日盡獲無脫者民驚

以爲神署開化時法蘭西侵越南滇疆震動布政司唐炯督兵防邊宗鄭手繪地圖指陳形勢及守禦之策炯歎服方引重薦擢會以疾乞歸卜居郡城卒年六十有四宗鄭博綜經史旁及六書音韻靡不貫通而尤覃精於輿地掌故舟車恆以水經注一統輿圖自隨所歷山川夷險風俗醇疵咸有紀載其蓄積厚故施之於政裕如也生平家居日少然故鄉利病所在銳任不辭同治初粵難甫平宗鄭辦理善後於丈田清賦二端悉心規畫邑人利賴焉子有宣自有傳

胡承頤字松儔恪靖公寶琮

前志列傳

五世孫少習舉子業由例

監試北闈不售館尙書崇厚家崇厚慰之曰科場通塞命也盍納粟乎於是習吏事通刑名以知縣歷署直隸安平內邱邯鄲沙河等縣題補任縣調署開州先後十餘年政聲卓越

青浦縣續志

卷十五

人物一

仕績傳

三

在任縣時有以養媳投井自盡報者往驗見尸身前後心肉赤爛曰是沸水所斃也官豈無目者耶繫其姑鞠之論抵如法解紱後以子祖謙官京師因就養焉卒年七十有八

金耀奎字蘭生由供事議敘發皖省以軍功洊陞知縣同治六年隨總戎程文炳擊潰郟城宿遷股匪保以直隸州用歷署渦陽合肥定遠等縣篆光緒五年署青陽一夕盜眾劫縣耀奎持刀出手斫五人禽其餘黨鞠治之知劫縣者六矣悉置之法四境肅然尋署寧國補當塗當塗南有大官圩凡分四岸爲圩二十九爲田三四千頃顧地當徽寧二郡之衝山洪洑至十三年六月東北岸太平圩之老鸛嘴低涵及東南岸中心埂之趙大塘先後潰決田廬漂沒無算會皖撫陳彝行縣勘隄乃奏請發帑銀三萬七千兩檄耀奎及太平府知

府史久常大事修繕耀奎任葺北缺一百八十里躬督畚揭帑不虛糜兩月隄成流移復業當塗人德之爲建祠於賈家垵題曰史金閣比古之樂社也而太平府東城有陳公祠祀陳彝官圩東北隅有天妃宮附祀官紳之有功德於圩隄者耀奎皆與配焉秩滿乞養歸旋卒年六十有八李兆桂字蟾香同治庚午舉人大挑知縣籤分山東充光緒辛卯科同考官署肥城勤政愛民清廉自矢去之日士民繪棠陰化雨圖贈之

徐蔭溥原名光浩字新甫逢豫

前志附傳

兄子以典史署湖北蔡

甸巡檢應山縣丞光緒初新疆之役大吏委辦陝甘後路糧臺饟餉不匱左文襄深器之檄令隨營襄辦軍務以母老辭旋保知縣攝棗陽有循聲卒於任吳興士字墅川附貢生援青浦縣續志

卷十五 人物一

仕績傳

四

例官浙江歷署東陽蘭溪縣丞蘭溪民嫗有訟地於縣者興士奉委往勘廉知役吏需索狀嫗將傾家卽好言息其爭歸白諸令禁絕之民情感悅以良吏稱

儒術傳

戴承澍

邱汝鉞

黃家麟

劉汝錫

王作霖

戴承澍初名汝崧字青墅同治庚午舉人幼習庭訓內行敦篤與同里許錫祺及其從曾叔祖高 前志有傳 昕夕講貫時以道義相切劘嘗與錫祺論中庸鬼神爲德章朱註性情功效四字往復辨難積函盈寸尤專治易以經解經不墨守程朱之說而義理象數自然貫通承澍不獨沈潛性理且又具經野才同治初陸宗鄭以善方田句股算術辦理清丈承澍復精

心攷覈以佐之釐然不紊田賦以清其爲學體用兼賅如此並工醫精堪輿術著述載藝文子保裘別見附傳

邱汝鉞字執甫恩貢生少好學肫摯篤倫紀妻胡早卒子嘉淦甫離襁褓汝鉞躬自撫育終身不娶熊庶常祖詒爲作義夫傳庚申之亂奉母避居通州胡履吉方在邑督辦團練舉妻子託之履吉卒無擔石儲汝鉞挈其孥以歸爲之經紀其喪復課其二子世鍾世傑皆成名母歿蔬食三年光緒初與修縣志秉筆不苟纂修熊其英頗資其力尋修府志撰星野經緯度府城各節氣午正日景日出入矇景昏旦夜半中星諸表及水道疆域圖志皆任人所難汝鉞平居尤篤信濂洛關閩之學躬行實踐不矜著述無疾言遽色跛倚之容授徒循循不倦嘗整襟危坐見者肅然及與之言渾是一團和氣

青浦縣續志

卷十五

人物一

儒術傳

五

晚粹於易通天人性命怡然渙然黃家麟字哲生祖憲

前志有傳

子咸豐辛亥舉人選授桃源教諭以母老不赴幼孤貧依母啖糠覈充朝夕生平學宗程朱一以主敬存誠爲本從興化劉熙載同邑許錫祺游理境益復瑩澈家麟居郡城歲時歸輒主汝鉞家講論不倦亦與修縣志

劉汝錫字南士廩貢生少從許錫祺游潛心性理之學於陽明服膺尤篤嘗得鄉賢王西亭給諫文稿及其師淞濱全集皆悉心校讐獨力付梓諸暨陳適聲太史之守松郡也嘗造廬訪焉促膝講學移晷弗去汝錫歿適聲挽之曰公可祭鄉先生社我願書郭有道碑人謂汝錫當之無愧色著述見藝文

王作霖字景雲高澣農家子也少爲人牧牛好讀書就塾師

問字稍知音義訓詁邱汝鉞館高澣張氏作霖從受經精研
程朱之學久之豁然貫通與汝鉞弟子張文浩推論理在氣
先故集義足以養氣作原氣原性原理諸篇熊其英見之歎
服或勸作霖試有司謝不應年老卒著述散佚不傳